


Mlara President
Thomas S. Monson



Beltik el Reng ra Blai— ULEKLATK EL MLARA PROFET ER KID

Ulekgeltengat el Klengar ra Telungalek

”Se bla desuub e domelchesiu a betok el tekoi ra beluulechad e bla domais me dodengei el kmo ng meral kedeb ea lebebil ra taem eng meched tial beluulechad, ea omereng el saull ra rengud a mo mesisiich el kirel sel techall el kid a tedbechel a kmo ngrang el sebeched el ultuil er ngii—blai ma telungalk me sel beltik el reng ra rebetik ra rengud. Kede merael mo medengeliu a belkul sel dedak lokuu a ngerachel, ome-ngull, ma ultiled. Kede mo medengei el kmo ng diak a ngii dil ngerang el mtechir sel klengeltengat ra deleuill ra telungalk.”¹

Ochotii a Beltkil a Rengud

”Mchetengii a ngelekem a mochulii; mdul kmo, ‘Ng betik a renguk er kau,’ e blechoel loureng a saul. Lak becherei a mondai el kirel mesmechokl me bol ngaruchei ra chad el kau a betik a rengum er ngii. A rsecholid a melukl el mor cheroid, a rengalk a mo meklou, ma rebetik ra rengud a mo dibus. Ng beot er kid el mo diak dolatk ra rebebil, e sel lemei sel sils el bol dibus ra delongeled e kid a mo omelchesiu er kid el melekoi el kmo ‘ng mle sebechel malechub ‘ulekum meng.’ . . .

”Mei e bo dengara deoureng ra klengar el dengar ngii, bo de betik ra deoureng er tial omerael e dochotii a beltik el reng el mora rsecholid ma telungalk er kid.

A tara klebesei, eng mo diak a klukuk er kid. Lak de bechei aikel kmal meklou a belkul tekoi.”²

Ochotii a Beltkil a Rengud

”Rodam, bo domekerreu ra rebechid loba chetengakl ma omengull. Tirkang a diak a ulebengelir el kldemed. Rodos, mongull ra rebechemiu. Tir ousbech el orrengees a ungil cheldechoduch. Tir ousbech ra ungil klikm. Tir ousbech ra ungil olchotel a beltik el reng. . . .

”Kemiu el oungalk, ea kmul kmo, mochotii a beltik el reng el mora rengelekiu. Ko medengei el kmo ng betik a rengmiu er tir, me bom kerekikl el kmo te medengeliu tiang. Tir a kmal mekreos. Bo mochotii er tir. Momekedong ra Chedam ra Babeluades el kirel a ngesou sel mo mecheliu er tir ra bekel sils e mosmechokl aikel ringel ra klechedam ma klechedil. Ke lmuut el ousbech a betok el ngesou ra ikel di llemesem sel momekeroul er tir.”³

Ochotii a Beltkil a Rengud

Mor kemiu el rechedam ma rechedil, mochotii a beltik el reng el mora rengelekiu. Moluluuch el kirir me bol sebecherir lodngakl a mengkit ra beluulechad. Moluluuch me bol mesisiich a klaumerang er tir. Moluluuch me bo losiik ra ungil klengar e bol ngara omesiou el mora rebebil.

”Rengalk, a redemiu ma redelmiu bo lodengei el kmo

ng betik a rengmiu er tir. Bo lodengei el kmo ng betik a rengum er tir e oureng a sulir ra ikel rokui el blal ruul e melelem el meruul el mor kau.”⁴

Ngera Sel Kmal Klou a Belkul

”Sel kmal klou a belkul a blechoel uldimukl er tirkel chad el ngara bitar kid. Kede blechoel kora mo omdasou el kmo ng kmal kirir el medengei el kmo ng betik a rengud er tir. Eng di ng diak el kired el di omdasou ng kired el subedeterir. A William Shakespeare a milluches el kmo, ”Tir a diak loubetik el reng el mora diak lohotii a beltik el reng.’ Ng kmal diak bo douchel ra rengud ra ikel ungil tekoi el medung ma ungil omeruul el mocholt. Kede bai, mo ouchel ra rengud alsekum aikaikid el teletael a diak ra chelsel a deleuill er kid ma tirkel betik ra rengud.”⁵

Nguu a Babeluades el me Kmeed

”Mei ma telungalk er kid ma rekeblid bol mui ra beltik el reng: beltik el reng el mora tang ma tang, beltik el reng ra ebangelio, beltik el reng el mora rebebil ra rechad, ma beltik el reng el mora Osobeled. Sel boluai-sei, ea babeluades a telkib el me kmeed ra beluulechad.

”Mei e deruul a rekeblid el mo uchul ea rebekel chedal a telungalk a mo semeriar el lemuut el mor ngii.”⁶

Nglunguuch el kirel a Telungalk

”Meng uaisei el telungalk a ngara meringel el odechelakl ra beluulechad er chechal sils, meng betok el chedaol tekoi a uaia bla lemotuub, ea ki olengit er Kau, el Demmam, me bol tabesul el mei er kemam aikel ringel el ki bom chebangel, me ki bo mesisiich el dechor el kirel a klemerang ma llemalt. A rekeblid kol bol lolsechelel a budech, me a beltik ereng, me a reng er a chedaol tekoi.”⁷

ULEKLATK

1. ”A Sanctuary from the World,” *Worldwide Leadership Training Meeting*, Feb. 9, 2008, 29.
2. ”Joy in the Journey” (Brigham Young University Women’s Conference, May 2, 2008), <http://ce.byu.edu/cw/womensconference/archive/transcripts.cfm>.
3. ”Abundantly Blessed,” *Liahona*, May 2008, 112.
4. ”Until We Meet Again,” *Liahona*, May 2009, 113.
5. ”Finding Joy in the Journey,” *Liahona*, Nov. 2008, 86.
6. ”A Sanctuary from the World,” 30–31.
7. Nglunguuch ra omengedaol ra The Gila Valley Arizona Temple, May 23, 2010; ra ”The Gila Valley Arizona Temple: ”Wilt Thou Hallow This House,” *Church News*, May 29, 2010, 5.

OSISCHEKLEL TIAL KLUMECH

”Me sel mngara omeruul el osiik a uldasou, ea sensei a ochotii a ker malechub a teletael e mseterir a remesuub a klebech el taem el osiik a mo nger ra ikal uldasou” (*Teaching, No Greater Call* [1999], 160). Sel mosuub er tial cheldechoduch lobengkel a telungalk, e molengit er tir me lorrenge aikel omellach ma uldasou el mok a uldesuir ma rengir. A rechad ra telungalk a sebecherir el omdasou a teletael el ngii a mo smisichii a beltik el reng ra rekeblirir. Momdasou a siotai ra telungalk el muut el mo smaod aikal uldasou er sel mei el temel ongdibel ra telungalk.

NGEASEK

A Chedil a mle Sobecheklemama

Mlara: Patricia Auxier

Sera lelolem a rekik, e ngak ma merrengk a ulemes ra klou el ochedemam el ousekool a basket. A demak a milrael, e kemam a ulemdasou a obengkel mo remei, ma ki rirurt el menga ra chull el oltoir er ngii. Ea lekea ki betik er ngii, e aki luueta el mora blil a klekool e mo remei lobengkel a delemam, eng di tia ra ki bom siseb ra blil a klekool, ea rechad el rokui a mla merael.

Ma kulsehesech ra tkul a chesime, el melasm el mengeroid er ngak me ngikal merrengk ra chull, el meluluuch me lengarngii a chad el mei. Eak rongesii a chesmerel tial bekerekard el mlimam el mechesimer, ma ki rurtang el bedul ngii. Eng sel uaia le beberusek er ngii el teletael ea kekekrei: a delemam a ulemechull er kemam el ”diuaia dechuu el mengideb ra rengelekel er eungel osebekel” (3 Nephi 10:4). A delak a mla metik er kemam, meng kmal mlo ungil selbechakl a rengmam el diak ki medakt er tiaikid el taem.

Me sel kumes okesiu er ngii ra klengar ngak, eak mesang el kmo a klengar ra delak a mla mekrolak el bedul Osobel e mla otii er ngak a meral belkul a ”dosebechakl ra remechitechetong, e dolisiich ra remedektang” (D&C 81:5). Ngii a ultuil ra Jesus Kristo, el mlsang a klisiich el ”engelakl er sel klisichel” (”Lord, I Would Follow Thee,” *Hymns*, no. 220).

Mekdebechii a Deourengr ra Blai

A President Monson ocholt a teletael el sebeched el toketekii Momes er tial cheldechoduch e msiik a teletael el kau ma telungalk er kau a sebechemiu el remuul el mo uchul a deourengr ra blai.

Sel betik ra kmo ngerang el sebechemiu el meruul er ngii, e mlechesii. Msiik a kesengil eng eim el teletael el sebechem el meruul el mekdebechii a deourengr ra telungalk e mlechesii a zunga ra blai ma telungalk er kau el ngara chelsel.

© 2011 lokiu a Intellectual Reserve, Inc. Urrekodel a rokui el klisiich. Milluches er a USA. Kengei er a English: 6/10. Kengei er a oidel: 6/10. Oidel a *First Presidency Message, August 2011*. Palauan. 09768 881



Cheldebechel ra Rechedaol Redil

Mosuub er tial klumech, ea di lungil, e msodii lobengterir a rodos el moldingel er tir. Mousbech aikel ker el smisicheterir a rodos e dirrek el rullii a Cheldebechel e a Rolngeseu meng mo klou a belkul er a klengar kau.

A Eliza R. Snow, ongerung el merreder ra cherengelel a Cheldebechel er a Rolngeseu a, ulisisechakl el kmo: “A Paulus el Apostol ra rechuodel a milngedecheduch el kirir a rechedaol redil. Ng ngerachel ra rederstang er kid el mo chedaol redil. Ng kirel ngarngii a ngarbab el moktek er kid, alsekum e kede chedaol redil. Ng kired el mo omelchesiu el kmo kede mlamokedong el mo meruul a meklou a belkul el ngerachel. Ng diak a chad el diak el uldimukl er tir. Ng diak a odos el iileakel, ma beluulechad el lengarngii el kmal chibutek eng di aikel meklou el ngerachel el ruul el kirel okedmeklel a Rengedel a Dios ra beluulechad.”¹

Rodos, kid a diak dileakel malechub a beluulechad el dengarngii sal chibutek. Me ngokiu a kengei er kid ra ikel omeruul ra chelsel a Relief Society, e kede bo tedbechel sel ngii a Profet Joseph a smodii el chelechad “el iileakel ra rokui el mekngit ra beluulechad ra—omelilt, kldung, ma cheledaol.”²

Tial cheldebechel a ngosukid el smisichii a klaumerang ma chedaol klengar kid el meskid a teletael ra omerreder, omesiou, ma techall el olisechakl. Me ngultuil ra omesiou er kid e kede kuk ngosechekl ra tara dauch ra klengar kid. Ng muke-roul a klengar kid ra chedaol tekoi,

me sel rengud el teloi ra rebebil, klechad er kid, e mo mesisiich a ul-tuteled el chad. Kede mo medengei el kmo sel moktek ra ebangelio a meskid a techall el ngosechekl el mor sel tkul er bab el sebeched.

A Cheldebechel er a Rolngeseu a ngosukid el kudmeklid el mo ngmai a klengeltengat ra templo, e mo otirakl aikel telbiil el deruul, e mo mesisiich el oureor el kirel okedmeklel a Zion. A Cheldebechel er a Rolngeseu a ngosukid el smisichii a klaumerang er kid me a llemetel a klechad er kid, melisiich a telungalk, e osiik e olngeseu ra ngesool.

A ureor ra Cheldebechel er a Rolngeseu a chedaol, e sel doruul chedaol ureor eng mekdebechii a cheledolel a klechad er kid.

A Silvia H. Allred, kot el counselor er a cherengelel omerreder er a Cheldebechel er a Rolngeseu.

Ngara Chedaol Llechukl

Exodus 19:5; Psalm 24:3–4; 1 Thesalonika 4:7; Titus 2:3–4; Doctrine and Covenants 38:24; 46:33; 82:14; 87:8; Moses 7:18

Ngara Reksi er Kid

Meng ngokiu sel cheldechede-chal el mora Redil ra Cheldebechel er a Rolngeseu ra Nauvoo, ea Profet Joseph a millisiich ra belkul a chedaol, el silodii el kmo a rodos

sel lorael mo klikiid el chedaol, e ngarngii a klou el semcheklii ra beluulechad. Ng silodii el kmo: “klengariou el reng, beltik el reng, klikiid—aikaikid a teletael el smisiich a klechad er kemiu. . . . Tial Cheldebechel . . . a mor ngii a klisichel el oldurch ra re queen ra delongelir. . . . A re king ma re queen ra beluulechad a mei ra Zion, e chotii omengull er tir.” A rodos ra Cheldebechel er a Rolngeseu el oltirakl a telbiielir a mo ngmai omengull ra diak dil chetengakl el chad, te dirrek el “sekum te kiei el oltirakl a urerir,” ea Joseph a mle yaksok ra rodos el kmo, “a reanghel a a mo teloi er tir.”³

Ma rodos sel oureor el mesiou e lolsobel ra rebebil, ete merael mo chedaol a klengar tir. A Lucy Mack Smith, el delal a Profet, a ulechais a klungiaol el Cheldebechel er a Rolngeseu a a sebechel kudmokl: “Ng kired el dmeu a rengud ra tang ma tang, e omes ra tang ma tang, mengelaod ra tang ma tang e mesuub, me bol sebeched el dmak el dengchokl ra babeluades.”⁴

ULEKLATK

1. Eliza R. Snow, “An Address,” *Woman’s Exponent*, Sept. 15, 1873, 62.
2. Joseph Smith, el ngara *History of the Church*, 4:570.
3. Joseph Smith, el ngara *History of the Church*, 4:605, 606.
4. Lucy Mack Smith, ra Relief Society, *Minute Book Mar. 1842–Mar. 1844*, entry ra Mar. 24, 1842, Church History Library, 18–19.

Ngerang Sebechek el Rulii?

1. Ak mekerang e ngosuterir a rodos el kulingel er tir el mo remuul e kudmokl a "ngarbab el moktek er tir"?

2. Ngerang ak meruul ra klengar el kirel "omelilt, kldung, ma chedaol"?

A lmuut el bebil er a omesodel,
e bora www.reliefsociety.lds.org.